

De Stellingwarver Biebel

van de stichting Stellingwerfs Eigen

Grindweg 18
8422 DN Nijeberkoop
Postgiro: 49 08 902
KvK nr. : 01 104714
Fiscus: NL8135.89.769.B01
www.stellingwerfs-eigen.nl

Dhr. / Mw. Donateur
Straat 123
8447 AZ Heerenveen

Ni'jberkoop, 13 meie 2005.

Geachte donateur,

Veurige weke is Handelingen in proefdrok maekt. Dat leek oons wel een aorige anleiding om oonze donateurs ok geliek es even een betien bi'j te praoten over hoe as et stiet mit oons wark. We bin now ongeveer krek een vol jaor doende. Veurig jaor rond disse tied biwwe serieuus begonnen en in juni hewwe doe et eerste boekien van Genesis opleverd, mar dat weej' nog wel vanzels.

Naotied bin de boeken 1 Koningen, 1 Korintiers, 1 Thessalonicenzen, Amos, Baruch, Kolossenzen, Jakobus, Handelingen, Hooglied, Job, Jona, Marcus, Obadja, Openbaringen, Prediker, Psalmen, Sefanja, Tobit, Zacharia, Galaten, Jesaja, Ester, Judit, Lucas en Ruth ok roegweg klaorwodden, zodawwe op een 'score' van roem 25 boeken uitkommen veur dit eerste jaor. Die onderstreept binnen die bin ok in proefdrok verschenen van 100 boekies ieder.

Mit et komputertien allienig komt et niet goed vanzels mar et is wel een hiele grote hulpe en hi'j wodt ok mit de dag beter (zelslerend). De grote weenst zit d'r in dawwe niet alles (incl. al die muuilike naemen) over hoeven te tikken. Op dit stuit biwwe mit Spreuken en Jesaja doende.

De Stellingwarver Biebel

van de stichting Stellingwerfs Eigen

De ‘taeldeskundigen’ hiere hebben d’r trouwes niet al te vule fedusie in, zo hewwe begrepen uut o.e. een subsidie-anvraoge. Oonze eigen gemiente (Oostaende) het advies vraogd an de Schrieversronte en die hebben niet al te vule vertrouwen in de kwaliteit, hebben ze zegd. De blispoters van die klup moe’n trouwes zo-wie-zo al niet al te vule hebben van de hiele biebel. Et is (mit) daaromme dat de gemiente niet een betien subsidie geven wil krek as de aandere drie gemienten hier rondom oons henne. De perveensie is ‘volger’ en dot dan ok niet mit. Et Prins Bernhardfonds (Fryslân) het wel wat toezegd en we hebben hier en daor nog wat potties op et vuur staon te pruttelen, dat we gaon dan ok mar mooi wat deur.

Riekaans dawwe ankem haast of winter trouwes es een keer een wat dikker boekien (pocket) uutgeven mit bi’jglieks wat wieshiedsboeken bi’jmekeer: “Wieshied uut de Biebel in et Stellingwarfs”, of zoks, en dan bi’jglieks in ‘n roman-uitvoering (zonder vasnummers).

Now, eerst wel weer genoeg kletst. Et laeste boekien ‘Handelingen’ hewwe hier bi’j in stopt veur je, om ok es in de kunde te kommen mit de uitvoering van oonze proefboekies. Aj’ daor op- of anmarkings over hebben dan heuren we die graeg vanzels. Om hielendal bi’j te blieven kuj’ zo now en dan wel es kieken op: www.stellingwerfs-eigen.nl

Mit een hattelike groet,
Stichting Stellingwersf Eigen
Piet Bult (siktaoris)